

〔天啓〕海鹽縣圖經十六卷

〔明〕樊維城 胡震亨等纂修

復旦大學圖書館藏明天啓刻本

附《四庫全書總目·海鹽縣圖經

十六卷》提要

海鹽縣圖經序

令於茲邑者山川之所
經人物之所萃土田之
饒乏戶口之耗登武備
之張弛官聯之繁省何

海鹽縣圖經序

一在可不問然分符而
仕者或未豫知縱知之
或未周悉稍日久而習
矣又或量移而去於以
籌度生民利病疆土封

域便宜不大有賴夫志
乎哉武原浙之邊邑也
距大海而隣倭奴自秦
以降熬沙漉白歷代遂
爲沃壤

明興慮周海隅置帥置衛
軍容始飭然計其地延
袤不能百里僅比古子
男之國而賦役過中原
劇邑

國初定鼎金陵此猶爲尉
腋近地至

成祖都北平漕運黃河呂梁
之險而尚須飛輓於東
南諸郡邑武原之征輸
不損而費且倍蓰焉

祖制養兵不廢民一粒米以
屯與鹽相濟給今屯旣
滋乾沒而鹽亦改輸折
色鎡積於無用而邊軍

至不得食商以牟利稅
法盜遂因之闌出入不
可禁止兩場轄於轉運
司民更爲竈曠區脫地
幾萬畝卽下墾田之令
而民牧不敢侵官竈又
甚貧賴民出稅以贍其
役而煮海之餘無一民
霑其利轉運司所積貯
雖鍼縷絲繆不能盡詰

而稅畝之正供又科其
額以爲譏津者之賞譏
津者至與盜爲市而又
以賞禪之是以私販多
而愈不可禁上與下交
征軍與民並困而實歸
於中飽之人戶口所由
不增而日減也土田所
由可闢而莫耕也至衛
有屯帥有兵屯則隱占

難究而兵復驕懦難清
尺籍伍符名按之不必
缺而細察之投蓋超乘
者可目而竟也冒糈失
伍者又不勝指而屬也

是何也則軍失屯而就
銷民補兵而多濫也承
平之朝可使積於無用
一旦有警何以應之況
成化嘉靖間曾見告矣

郭之不殘者幸也斯兵
也非湯國練之而令海
不揚波者哉是在良閫
帥加之意耳地不百里
而五其員益之以抱關

委吏又率爲七是一邑
而食於人者常十二員
也每一員而役者又幾
百焉什一役而什九附
之是食於官者尚有限

而食於民者為無窮也
丞之二向也裁一而補
一裁未見缺而補近冗
矣巡之二舍譏以為緝
譏有衛以代防而緝且

與盜盜矣設官之初意
或不若是乎凡此皆邑
之大利大害也然而非
有司之所能及也今海
內騷動兵饜空虛恐武

原不得獨為晏然之地
當事大賢蒿目憂

國而武原僻小又不敢孤
鳴以自達庶可托之空
言以俟采乎若夫融結

之勝孕育之奇此其美
自在邑非令於邑者所
得矜以飾其陋者也但
數武原之鍾秀則大海
襟其東秦山帶其北沆

漭澎湃宜河伯之所望
洋鬱樺峩峩狀巨靈之
所屬負劉誠意觀之而
生羨致垂望於周孔其
人恨不得見今來將三

百年矣後先輝映作述

重光開卷可得也舊志

輟筆於

神廟之二年歷今五十載缺

焉不舉前哲遺之今不

敏承乏自愧無文而亦

不能不為考信惜也商

於天承彭師皆為贊

允爰求時獻共補缺文

幸邑有名賢胡孝轅者

抱經濟之長才作文章

之鉅手慨夫久軼哀集

舊聞借姚生叔祥共摘

鉛槧姚故羅九丘之富

安一壑之貧方理笈壯

遊聞言停駕二賢同願
此志遂成雖無狀奉官
化難調瑟然有人述古
好溢書紳鐫金石之所
未聞披竹簡之所未綴

前言往行坐翫怡心逸
興幽棲臥遊醒目縱未
敢仰止步趨秩滿告歸
亦將以陳說於父兄師
友不敢使人誚乎居其

地而不知者云耳至若
補偏揅弊通變宜民則
猶有待於後之能者
天啓二年歲次壬戌長
至日

賜進士文林郎知海鹽縣事
黃岡樊維城九宗甫序

海鹽縣圖經目錄

卷一

方域篇第一之一

一之縣圖 并說

二之縣表

三之縣建置考

四之縣治城 有圖

五之縣坊鎮鄉圖 有圖

卷二

方域篇第一之二

海鹽縣圖經目錄

六之縣職署 縣學 巡檢司 倉 鹽課司

公館 急遞舖 稅課局 陰陽醫學道會司 旌善申明亭 養濟院 漏澤園 秩祀 公署全圖 縣署圖 儒學圖

卷三

方域篇第一之三

七之縣名勝譜 山水 德園 永安河圖 譜 墓 祠宇 寺觀 橋梁 附牌坊

八之縣風土記 記風俗物產種種事

卷四

方域篇第一之四

八之縣風土記 記風俗物產種種事

卷五

食貨篇第二之上

戶口 附軍匠 竈丁

田土 附水

稅糧 兩稅舊額 今派徵條鞭銀米規則 附 加徵蠲除賑恤及預備倉積穀數

卷六

食貨篇第二之下

役法 歷年編審里甲事宜 歷年倉審權役事 宜 貼役 欵解 加徵減貼數 北運

條議 各種聽儘緣由 北緝改官解緣由 修城不用民七緣由 塘長修塘事宜 糧長 雜費人均徭未盡款 附保甲火夫事宜

課程 附市

鹽課 國初三場鹽課額 成化中二場木折額 嘉靖中一例行徵額 今詳規兩場課額 并本縣包補銀行鹽 小票限獲私鹽等數

海鹽縣圖經目錄

卷七

戊海篇第三 海寧衛圖 政浦所屬 乍浦所屬 一衛七所增設備倭把總浙西 參將水陸各營一切海防事宜

卷八

隄海篇第四 歷年修築捍海石塘

卷九

官師篇第五之上

令長 丞尉 學職 監鎮 監稅 市舶

卷九

官師篇第五之上

令長 丞尉 學職 監鎮 監稅 市舶

巡檢 鹽司 倉職

卷十

官師篇第五之下

武秩前代武秩 皇野海寧衛改年二所各世

記歷代有事茲封者德 衛慕 翁俊批德 浙西參將 附

卷十一

人物篇第六之一 前代陸領 二氏譜畧

卷十二

人物篇第六之二 晉 梁 陳 唐 五代吳越

人物篇第六之三 皇明

卷十三

人物篇第六之四 皇明

卷十四

人物篇第六之五 儒林 文苑 孝義 藝術

卷十五

人物篇第六之六 科 貢 國子生 承祿 武

論贊

卷十六

雜識篇第七 祥災兵亂

初天啓壬戌秋邑侯樊公以志事屬余與彭德符

氏德符因謝余謝弗獲則引友人姚叔祥共事以

叔祥淹博近又借秀水屠君中孚編錄郡遺文多

所摻稽也其冬叔祥草人物志明年春又草官師

志各成十五六而侯復以邑藝文及志林屬叔祥

及鄭思孟叔祥又轉客思孟所謝志事而去余念

史乘家眾腕分撰淹歲月未若純出一手為易就

遂杜門綴緝閱兩載得篇七卷一十有六合凡三

十六萬餘言而志成其叔祥官師人物初稿更定

蓋亦七八若夫軼聞瑣事採自叔祥者明註簡中

無敢獵美以見余與叔祥同心探討其始末如此

是役也侯於文獻久湮後議纂撰洵屬曠舉而余

謬承具草之托欲藉此存維桑故實亦未敢率畧

竣事云敢告後之續修者甲子秋七月朔日胡震

亨孝韓識

海鹽縣圖經卷之一


方域篇第一之一

一之縣圖

凡土訓莫辨於圖土屢析尤非圖弗辨鹽故疆前制
 汜後淤浦至寥廓矣五析之以有茲土日勤墉湫用
 啓我支社而本建之城聚開之盛仍無改初封爲東
 南緊望諸城冠豈非秦帝舊山作鎮不拔海王大國
 衆坎習輸美哉德險在我故足永標彤宴雄視區寓
 者乎爰因代次各繪其境之圖而系之說俾開卷者
 晉睹合分之槩焉

海鹽縣圖經卷之一

夏明刊




按游鹽古揚州南境東偏地禹貢揚州三江既入周
 揚州其別曰三江三江松江居一今在縣舊境北
 以證縣地為揚州最為古矣春秋屬越舊志云屬吳
 非是初吳與越成封地百里後增封八百里其壯則
 平原平原者武原也即今海鹽是蓋吳以越地還越
 猶未盡還之故吳王語文種曰越本與國千里吾封
 之未盡其國其事具國語越絕吳越春秋三書知海
 鹽為越本境無疑爾國語吳封越地廣運百里吳越
 春秋云初封地百里後增封東
 至勾前西至橋李南至姑木北至平原餘徐戰國楚
 天佑註云平原越絕書作武原今海鹽縣也戰國楚
 城越屬楚太史公以為楚有三此其東楚矣秦并天

下始置縣曰海鹽寰宇記云廣斥鹽田相望蓋取此
 義縣境兼今海寧平湖及松江全郡地圖具如右以
 漢志有縣互攻之南錢唐北婁西山參東隔海岸餘
 姚上虞中更無他縣錯入從四郭洲本域廣逸觀矣
 星土吳十分越率牛婺女分今以屬越當為牛女分
 天文家州郡躔次會稽郡元入牛一度屬越於天星
 政不謬爾漢志吳十分野越率牛婺女分野晉志十
 二次度數自南斗十二度至須女七度為
 星紀於辰為丑與越之分野州郡躔次吳越揚州
 斗牽牛須女會稽入牛一度諸家說總不出此

海鹽縣圖經卷二

三


析鹽官縣境圖



今海寧自赭山浙口西屬紫峽東竝海至黃灣烏龍
 間傳名鹽官亦名海昌者本海鹽南境故地其分析
 難確定何年但追檢前後漢志無鹽官縣名至晉始
 志之當是吳時割置明矣舊唐書鹽官漢海鹽縣地
 有鹽官吳遂名縣蓋有所據也吳陸遜傳載孫權為
 將軍遜從權募府出為海昌屯田都尉領縣事此其
 析縣始證歟惟宋書以鹽官為漢縣非吳置詳權之
 為將軍在建安五年此時啓土江南尚襲稱漢名爵
 縣雖析自吳云漢縣宜也自臨安建外臺左輔欲無
 單子即不可無鹽官割餘頓佐都會不映下邑已前

為効焉爾郡柳志引地志漢獻帝建安五年創海鹽
置海昌又云吳大帝黃武四年析嘉禾海
鹽二境置鹽官按吳之析海昌止以陸遜傳為據於
孫權之為將軍遜之從軍府出領縣事約畧其時知
在建安初定為五年已是孫皮云黃武
四年此時入魏又已六年去之益遠矣


析前京胥浦縣境圖



前京地近京浦在今松江府治東八十五里實海鹽舊境之東北鄙也宋嘉禾志載其地尚有前京舊城嘉興圖記云梁太清中以海鹽縣地析今考宋齊志並有海鹽無前京惟陳書武帝本紀始以海鹽前京並稱其為梁析似無可疑但陳紀以前京屬吳郡隋志則云信義郡所領有此異同俟博通地學者詳之耳又按梁時有胥浦縣今名胥浦鄉者在平湖東北葦亭西南土人立祠浦上祀子胥故號胥浦其地有壇步平江朱涇花緒治宅義成浦間海岸等名亦從海鹽析置侯景嘗以海鹽胥浦二縣立武原郡是也

事見梁書可考志家未經收入今並圖之沈約云地理參差其詳難舉境上屢分名號驟易千四百改尋校未易斯言良不誣哉

蘇州圖經云隋初罷海鹽郡有海陽無海鹽其駁正蓋據正史嘉禾志則云海鹽前京並伊入常熟至唐復置海鹽則以前京仍歸焉按唐初前京仍歸海鹽無可疑者若隋之省海鹽入常熟則道里太紆矣當以省入鹽官為是詳後建置考



析前京析胥浦縣境稍縮矣經隋氏并省唐復置後
 竟又寢廣於是天寶十載以吳郡太守趙居貞言復
 置華亭之析唐華亭今松江全郡地也里東西廣一
 百六十南北袤一百七十三非盡海鹽地海鹽居多
 輿地廣志云以崑山析新史寰宇記云以嘉興析未
 盡然元和郡國圖志云析海鹽崑山嘉興三縣地爲
 之說近實可據矣聞之長老云今華亭南門有甃井
 石刻海鹽縣字至今未泐松江沿城之爲鹽地尤證也
 松析而三江泖浦亦壑諸其隣鹽邑免陷沒如漢時
 始得壹意從事捍海蓋築塘之役已先天寶興開元

皇明宣德之四年邑人叅政臣春請遣官按行江南諸大郡 上命大理卿胡榮偕春往槩乘傳到郡有所鋤擊以郡屬縣僅三不足於控察化有闕或坐此請增設縣四 詔報可於是海鹽境東北山之為雅為苦竹為高公為蒲菜齊龍潭水之為漢塘為泖港為石亭浦鎮之為廣陳徐埭錢康置平湖而縣於當湖之市乍浦蘆瀝戎鹽署并屬焉雖槩主其議春實佐之矣 奏請在四年三月分縣在五年庚戌歲 大抵縣前後不一析至今有定疆鹽官地隆起發脉未舒當湖迄全松宅下流尻尾會厥形委寫若夫坦阨函行居中稱異區

今鹽境最割之各為域亦自然勢爾豈伊不懷人暮天啓借我分邑從王將萬世無改也

二之縣表

志縣於縣必先志縣於所轄古曰郡曰州省今日府曰司均轄也綱維繁焉矣惡可無為縣末夫鹽吳越介土也以此之而越以之而吳惟所轄矣然而道里近教化行尤利西北焉則今之為轄者宜彼夫涉江外赴歷壽為匪民於漢轄也者儻亦有歎乎勞止也哉

代縣 縣 縣 州省轄

晉	三翼	後	漢	秦	代
	符管翼		符管翼	鹽	縣
同前	同前	吳郡治吳	同前	倉都真	縣
	揚州未詳	揚州治吳	揚州治吳		
揚州治建業	揚州治建業	揚州治建業	揚州治建業		